



~~17~~
EX BIBLIOTH.
NATIONIS HUNGAR.

VITEBERG.

V-1

SIGNAT. MDCCCXXIII.



**PRORECTOR
ACADEMIAE VITEMBERGENSIS,
IO. GOTHOFREDVS
BERGERVS, D.**

Potentiff. Polon. Regis et Electoris
Saxon. Archiater, Colleg. Medic.

Prof. Publ. Primarius et
Senior,

**CIVIBVS ACADEMICIS
S. P. D.**





On possum sine moestitia eorum
audire obitus, quorum omnis vita
exemplum virtutis praebuit, et con-
sumpta est in laboribus patriae uti-
lissimis, praesertim eis, qui ad rationes aerarii
pertinent, et in vectigalibus tributisque curan-
dis occupantur. Enimvero bellorum nervi,
et imperiorum robur, salusque sociorum, et for-
tunae civium, in huius administratione muneris
praesidium habent. Romani exemplo sunt,
qui hac perfunctione gloriam populi in pro-
vinciis et regionibus citra et ultra mare cum per-
petua nominis laude retinuerunt, exercitus-
que invictos aluerunt, et in aciem cduxerunt,
tum vicinos perinde ac clientes, quos servari
interfuit, salvos praestiterunt. Neque hac uti-
litate laude caruerunt Saxones, et tali instituto,
quod imperii opes auget, se fortunatos iudica-
runt, et in summis patriae periculis firmi stete-
runt, et bonos fidelesque viros ad census rei-
publicae administrandos consulto adhibuerunt.
Qua virtute in honoris locum ascendit opti-
mus, et rationum publicarum, proventuum-
que provincialium scientissimus, PAULUS
KESLERUS, industria singulari, et fide, qua
in conficiendis rationibus, et curandis censibus
continenter usus est, amplam hac in vrbe digni-
tatem consecutus, et Principis etiam, quod pau-
cis contigit, iudicio exornatus. Aliis, qui eas
in republica partes agunt, exemplum, quod se-
quan-

quantur, prodidit, cum pecunias publicas tam accurate referret in tabulas, repositasque tam diligenter Principi traderet, aut tradendas ei fideliter reservaret. Idcirco nemini ignotus, et constitutis censuum praefectis insigniter carus, nihil parvum duxit, et peritos canendi artifices imitatus, ne minima quidem neglexit, et ut illi nihil in fidibus dissonum ac repugnans, sic iste in religione animi et rationibus nihil depravatum admisit. Nec superbus et arrogans, nec vana sui opinione inflatus, modum vitae et fortunae habuit, ac modeste semper frugaliterque vixit. Ita sibi temperavit in magno adeuntium hospitem numero, ut nemini gravis et insolens, nemini, neque infimae sortis homini difficilis molestusque esset. Imo ne in avaritiae quidem suspicionem venit, neque in ullis vitae negotiis ab aequitate discessit. Nec sordes cum Cynico, nec splendorem domicilii nimium exemplo Clodii probavit: pietatem Deo, obedientiam Regi, comitatem omnibus testatam fecit, Academiae, Senatorio ordini, civibus cunctis officia praestitit, ne subrostranis quidem convitium fecit. Honesto genere natus A. clo lxx LVI. prid. Kal. Quintil. omni studio sibi enitendum putavit, ut parentes vita et fide integros, **PAVLVM**, et **CATHARINAM LOVINIAM** imitaretur. **ROSVVEINIA** municipium nascentem excepit, ubi pater labore et opificio dignum Cive quaestum fecit. Ingenium ab natura promptum et docile, non ad res ineptas et turpes, sed ad liberalia studia ab ineunte aetate convertit, quibus diligenter excul-

excultus, ad vitae negotia se comparavit, et tyrocinio sub disciplina Christiani Schrekkii, rationum et rerum usu prudentissimi feliciter posito, Vittembergam profectus, Amplissimo, IOANNI FRIDERICO NESTERO multis modis solertiam approbavit, et in tractatione rerum studia literarum non intermisit, atque in iuris arte ac forensi exercitatione ducem habuit Virum Consultissimum D. Ioannem Casparem Brendelium, Curiae Provinciali a rerum gravissimarum commentariis, Virum exquisita doctrina, et longo usu exercitatissimum, nobis omnibus apprime commendatum. Quibus rebus factum est, ut volente et iubente Saxone Potentissimo PR. EL. IOANNE GEORGIO II. ab Nestero in partem curarum assumeretur. Ab eius excessu, A. cl. loc. XXc. census publicus in huius praefecturae tractu curandos iussu Principis maximi suscepit. Constituto dignitatis fundamento, Nesteriam duxit viduam, REGINAM MARIAM, genere Kornmanniam, egregiam et integra existimatione matronam, A. cl. loc. XXc. ex qua genuit duos filios, PAULUM, iuris cultorem solertissimum, et CAROLUM, bona indole praeditum, et eisdem filias, iisdem CHRISTIANAE DOROTHEAE nominibus appellatas, quarum altera nupsit Viro Consultissimo, D. IO. Christiano VVaechterlo, in Serenissimi Serveyta Anhaltini Principis tribunali causarum forensium patrono dexterrimo, altera est innupta, et cum fratribus moesto vultu animoque patris prosequitur funus. Quae uxore A. cl. loc. XXCVIII. rebus humanis erepta, nobilissimam Virginem, MARIAM CATHARINAM, Amplissimi Viri, Casparris Richteri, praefecti Brandenburgici filiam, A. cl. loc. XC. matrimonii foedere sibi coniunxit, ex eaque suscepit CASPAREM GODOFREDUM, adolescentem liberali ingenio praeditum, ingenuarumque artium cultorem, et filiam forma ac virtute egregiam BENIGNAM CATHARINAM, patris amplissimi iacturam desentes. Ille ceteroquin honore auctus, in beneficio et gratia accipit, cum intelligeret, nuper admodum se novae dignitatis accessione ornatum, quod evenit auspicio Potentiss. PR. EL. IOANNIS GEORGII III. et IV. anno sigillatim cl. loc. XC. quo curandi et recipiendi census provinciales ei decernebantur. Postea ab Rege Augusto II. A. cl. loc. C. fructuum ac proventuum praefecturae Vittembergensis administratio ei attributa est, in qua nihil, quod eum deceret, praetermisit. Omnem sane curam ad sincerum Dei cultum, et communem patriae utilitatem contulit, a luxuria et libidine constanter abhorruit, pietatem et iustitiam in animo infixit; hoc tamen ei ad caducam felicitatem defuit, quod tot tantarumque virtutum fructus exiguo nimis vitae spatio est circumscribitus. Tum vero morbus, quo correptus est, repentinus, et ex nervorum resolutione ortus, invasit Virum optimum et oppressit, ut plurima ac praefentissima artis nostrae remedia nec fervare aegrotantem, neque eripere ex discrimine vitae possent. Quare procuratus mysteriis, et a labe, quam a primo parente traximus, liberatus plane et expurgatus, in aeternam Civitatem migravit. Vestrum est, Cives, Viro Amplissimo, propter nobilissimas necessitudines et affinitates, meritaque in patriam eximia, supremo exequiarum honore defungi, et ab H. L. pomerid, frequentissimo comitatu prodire in forum, et prosequi, quod offerretur, funus, concione publica et solenni ritu condecorandum. P. P. Die VII. Cal. Febr. Anno M D C C VI.

11035

Ung.

VI 1

= [Occasionalia Vol. 2.
= Fumeralia K.-R.]

X.285598A

W 117
W 118








**PRORECTOR
ACADEMIAE VITEMBERGENSIS,
IO. GOTHOFREDVS
BERGERVS, D.**

**Potentiff. Polon. Regis et Electoris
Saxon. Archiater, Colleg. Medic.
Prof. Publ. Primarius et
Senior,**

**CIVIBVS ACADEMICIS
S. P. D.**



Farbkarte #13

